



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

IV. Quam poenam iudex ecclesiasticus, aliquem praepropere
excommunicans, incurant.

urn:nbn:de:hbz:466:1-15974

terius non resumant. Qui vero remotas resumere
præsumperint, decreuimus eos beneficiis esse pri-
uatos, vt illi, ad quorum collationem eorum bene-
ficia pertinent, ea idoneis personis assignent intra
tempus in generali Concilio comprehensum: alio-
quin proximus superior extunc ea studeat assigna-
re. Si vero decani, vel alii eorum confratres, exces-
sum eorum scientes dissimulare præsumperint,
eos denuntiamus excommunicationis vinculo sub-
iacere.

III.

De clericis ruralibus concubinariis expressus ri-
gor superius obseruetur: quorum archidiaconi, si
eos in iniuitatibus voluerint confouere, vel eo-
rum dissimulare excessus, sciant ab officio se sus-
pensos: & si in suspensione permanerint, eos præ-
cipimus per episcopos suos a dignitatibus remo-
ueri: quæ dignitates per eosdem episcopos, vel a-
lios, ad quos eorum spectat collatio, personis ido-
neis assignentur.

IV.

Cap. 1. de
fent. ex-
com. in 6.

Quantæ temeritatis & præsumptionis existat,
quod qui seruare debent canonicas sanctiones, in
quibus aperte continetur quod nullus aliquem
sine rationabili causa excommunicare præsumat,
eas frangere non formidant; plures non amore iu-
stitiae, sed liuore odii, vel fauore aduersariorum,
excommunicationis vinculo innodatos, nullus
prositus ignorat. Quare firmiter prohibemus, ne
in aliquem excommunicationis sententiam, nisi
competenti admonitione præmissa, & præsenti-

ANNO
CHRISTI
1125.
bus personis idoneis, per quas, si necesse fuerit, pos-
sit probari admonitio, promulgare præsumat: & si
prælatus contra hoc fecerit, & admonitus errorem
suum non reuocauerit, per mensem ab ingressu ec-
clesiae sit exclusus.

V.

Ad abolendam de domo Domini consuetudi-
nem, vel potius corruptelam seu temeritatem, qua Cap. Quia
clericis, (qui signum pudicitiae debent ostendere nos, & cap.
laicis, quibus positi sunt in exemplum) in argu- Relatum,
mentum finalis suæ impoenitientiae , fructus præ- de testam.
bendarum suarum concubinis vel spuriis suis le-
gant in ultima voluntate, contra eos rigor ecclesi-
sticus exerceri debet. Quare sub anathemate pro-
hibemus, ne de cetero clerici gratia testandi abu-
tentes, cum de rebus ecclesiæ nullum possint con-
dere testamentum , fructus beneficiorum ecclesi-
sticorum spuriis suis vel concubinis suis dimittant.
Qui vero contra hanc inhibitionem venire præ-
sumperint,in signum suæ perditionis ecclesiastica
careant sepultura: & quibus taliter fructus legan-
tur, eis careant ipso iure. Qui autem testamen-
tum tale manutener voluerint, & per quorum ma-
nus personis illis fructus præbendæ fuerint mini-
strati , ipso facto sciant se excommunicationis vin-
culo innodatos : & quamdiu fructus huiusmodi
contra hanc institutionem ministrati fuerint,eccle-
sia ipsa sit sub interdicto posita.

V I.

Cum scriptum sit in lege veteri, quod quicum- Dm. 17.
que non obtemperasset sacerdotibus, aut extra po-

Concil. Tom. 28.

L 1 ij